



Broj: 15-03-16-5-10-36/23

Datum: 8.5.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/19 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke poštanskih usluga za potrebe Agencije - u Mostaru, objavljen na Portalu javnih nabavki Bosne i Hercegovine, broj Obavještenja o nabavci 1110-9-2-2-22-35/23 od 18.4.2023. godine, koji je proveden u skladu sa postupkom dodjele ugovora o uslugama iz Aneksa II Zakona o javnim nabavkama su „Hrvatske pošte“ d.o.o. Mostar.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja, te se istovremeno objavljuje dobrovoljno *ex ante* obavještenje o transparentnosti na Portalu javnih nabavki Bosne i Hercegovine.

Član 3.

Ugovor sa najpovoljnijim ponuđačem se potpisuje kada protekne rok od 15 dana od dana objave dobrovoljnog *ex ante* obavještenja o transparentnosti.

Član 4.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Na osnovu provedenog postupka nabavke poštanskih usluga za potrebe Agencije u Mostaru, u skladu sa postupkom dodjele ugovora o uslugama iz Aneksa II Zakona o javnim nabavkama, konstatovano je da je rok za prijem ponuda 28.4.2023. godine do 12:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuđača „Hrvatske pošte“ d.o.o. Mostar. Neblagovremenih ponuda nije bilo.



Ponuda ponuđača je dostavljena za obavljanje usluga prenosa poštanskih pošiljaka u unutrašnjem i međunarodnom poštanskom saobraćaju u Mostaru, te je prema Pozivu za dostavljanje ponuda u postupku dodjele ugovora o nabavci usluga iz Aneksa II Zakona o javnim nabavkama za nabavku poštanskih usluga, broj 15-03-16-5-10-21/23 od 13.4.2023. godine, ocijenjeno da je pristigla ponuda kvalifikovana i pravilna.

Cijena ponude ovog ponuđača za Pozivom definisane poštanske usluge u unutrašnjem i međunarodnom poštanskom saobraćaju je 136,70 KM bez PDV-a. Poštanske usluge su oslobođene plaćanja PDV-a u skladu sa Zakonom o porezu na dodatu vrijednost („Službeni glasnik BiH“, br. 9/05, 35/05, 100/08 i 33/17).

Ugovori sa izabranim ponuđačem se zaključuje na okvirnu vrijednost za poštanske usluge u Mostaru u iznosu od 3.000,00 KM bez PDV-a, na period od dana zaključenja ugovora od 6.3.2026. godine.

Cijeneći da je ovaj ponuđač dostavio kvalifikovanu i prihvatljivu ponudu, te da na osnovu člana 6. stav (2) i člana 24. stav (1) Zakona o poštama („Službeni glasnik BiH“, br. 33/05) rezervisane poštanske usluge mogu obavljati samo javni poštanski operateri, utvrđeno je da je **za obavljanje poštanskih usluga u Mostaru najpovoljniji ponuđač „Hrvatske pošte“ d.o.o. Mostar** sa cijenom ponude (za pozivom definisane poštanske usluge u unutrašnjem i međunarodnom poštanskom saobraćaju) od 136,70 KM bez PDV-a.

Na osnovu navedenog odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana objave dobrovoljnog *ex ante* obavještenja o transparentnosti. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom, u rokovima propisanim Zakonom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
Dr. sc. Arif Narić

Signed by: ANANIC
Digitally signed by ANANIC, DN: cn=ANANIC, o=ANANIC, email=ANANIC@ANANIC.ba, c=BA, reason= digitalno potpisano / digitally signed